

Broj: UP1-03-19-2-1529/23
Sarajevo, 3.1.2024. godine

Federalno ministarstvo prostornog uređenja, rješavajući po zahtjevu Zeničke razvojne agencije ZEDA d.o.o. Zenica za izdavanje ovlaštenja za provođenje radnji ocjenjivanja usklađenosti građevinskih proizvoda i pojedinih svojstava građevinskih proizvoda, a na osnovu člana 17. Pravilnika o uslovima za lica koja provode radnje ocjenjivanja usklađenosti građevinskih proizvoda ("Službene novine Federacije BiH", br. 49/10, 64/11, 94/17, 97/17 i 8/22), člana 200. Zakona o upravnom postupku („Službene novine Federacije BiH“, br. 2/98, 48/99 i 61/22), te mišljenja Stručnog odbora za provođenje radnji ocjenjivanja usklađenosti građevinskih proizvoda, broj: UPI/03-19-2-1529/23 od 19.12.2023. godine, d o n o s i:

RJEŠENJE

1. Pravnom licu Zenička razvojna agencija ZEDA d.o.o. Zenica izdaje se **OVLAŠTENJE** za provođenje radnji ocjenjivanja usklađenosti građevinskih proizvoda i pojedinih svojstava građevinskih proizvoda, i to kako slijedi:
 - prozori i vrata, prema uslovima iz normi: BAS EN 1026, BAS EN 1027, BAS EN 12207, BAS EN 12208, BAS EN 12210, BAS EN 12211.
2. Redni broj iz evidencije ovlaštenih lica za ovo rješenje je: 2/24.
3. Imenuje se Alma Bečirović dipl.ing.met., uposlenica ovlaštenog lica, za odgovornu osobu za provođenje radnji ocjenjivanja usklađenosti građevinskih proizvoda iz tačke 1. ovog Rješenja.
4. Zenička razvojna agencija ZEDA d.o.o. Zenica, kao ovlašteno pravno lice, dužno je trajno ispunjavati uslove propisane za dobivanje ovlaštenja. Poslove, za koje je dobilo ovlaštenje, dužno je obavljati u skladu s važećim propisima i pravilima struke, te je o svim promjenama koje mogu uticati na njegovu sposobnost, odnosno uslove za obavljanje poslova, dužno bez odlaganja obavijestiti Federalno ministarstvo prostornog uređenja.
5. Ovo ovlaštenje se izdaje na period od četiri godine od dana donošenja, odnosno do **3.1.2028. godine**, a može se produžavati na isti period ako ovlašteno pravno lice i dalje ispunjava uslove za izdavanje ovlaštenja.

O b r a z l o ž e n j e

Dana 12.12.2023. godine, Zenička razvojna agencija ZEDA d.o.o. Zenica, sa sjedištem na adresi Poslovna zona Zenica 1, Zmaja od Bosne bb, Zgrada TehnoParka, Zenica, podnijela je zahtjev za izdavanje ovlaštenja za provođenje radnji ocjenjivanja usklađenosti građevinskih proizvoda i pojedinih svojstava građevinskih proizvoda, i to za: prozore i vrata.

Uz zahtjev je dostavljena sljedeća dokumentacija:

- Popis sa vrstom i opsegom poslova i radnji, te građevinskih proizvoda za koje se traži izdavanje ovlaštenja,
- Rješenje o upisu subjekta upisa u sudski registar, doneseno od strane Kantonalnog suda Zenica, broj: U/I-101/04 od 21.01.2004. godine,
- Aktuelni izvod iz sudskog registra, izdat od strane Općinskog suda u Zenici, broj: 043-0-RegZ-23-003071 od 30.10.2023. godine,
- Certifikat o akreditaciji Instituta za akreditiranje Bosne i Hercegovine - BATA, broj LI-74-01 od 07.07.2023. godine, sa Dodatkom akreditaciji Revizija 0 od 07.07.2023. godine,
- Odluka o imenovanju Alme Bećirović dipl.ing.met. za odgovornu osobu za provođenje radnji ispitivanja, odnosno ocjenjivanja usklađenosti građevinskih proizvoda i pojedinih svojstava građevinskih proizvoda, donesena od strane Zeničke razvojne agencije ZEDA d.o.o. Zenica, broj: 03-2-38-907/23 od 11.12.2023. godine,
- Diploma o završenom studiju za sticanje visoke stručne spreme, ugovor o radu, certifikati o stručnom usavršavanju – na ime Alma Bećirović dipl.ing.met.,
- Diploma o završenom studiju za sticanje visoke stručne spreme, odluka o konačnom imenovanju direktora Zeničke razvojne agencije ZEDA d.o.o. Zenica, certifikati o stručnom usavršavanju – na ime Senad Pašalić dipl.ing.maš.,
- Dokumentacija o stručnoj osposobljenosti – na ime Emir Čaplja,
- Dokumentacija o stručnoj osposobljenosti – na ime Sanel Ibrić,
- Izvještaji i vrednovanja obuka osoblja Lind laboratorije za ispitivanje građevinske stolarije, sačinjeni od strane Zeničke razvojne agencije ZEDA d.o.o. Zenica,
- Plan i evidencija o obučavanju i usavršavanju u 2018. godini, urađen od strane Zeničke razvojne agencije ZEDA d.o.o. Zenica, dana 27.12.2018. godine,
- Plan i evidencija o obučavanju i usavršavanju u 2019. godini, urađen od strane Zeničke razvojne agencije ZEDA d.o.o. Zenica, dana 18.06.2019. godine,
- Plan i evidencija o obučavanju i usavršavanju osoblja laboratorije LIND u 2020. godini, urađen od strane Zeničke razvojne agencije ZEDA d.o.o. Zenica, dana 02.12.2020. godine,
- Plan i evidencija o obučavanju i usavršavanju osoblja laboratorije LIND u 2022. godini, urađen od strane Zeničke razvojne agencije ZEDA d.o.o. Zenica, dana 08.12.2022. godine,
- Plan i evidencija o obučavanju i usavršavanju osoblja laboratorije LIND u 2023. godini, urađen od strane Zeničke razvojne agencije ZEDA d.o.o. Zenica, dana 24.04.2023. godine,
- Pravilnik o unutrašnjoj organizaciji sa sistematizacijom radnih mjesta i opisom poslova Zeničke razvojne agencije d.o.o., iz maja 2023. godine,
- Matični list za opremu, identifikaciona lista opreme ML-08-23,
- Spisak ovlaštenih osoba u laboratoriji LIND, broj SL6-02-06 od 08.12.2023. godine,
- Izvještaj o ispitivanju PI/07/23 drvenog dvokrilnog prozora „Vučija usta“, od 28.07.2023. godine, urađen od strane Zeničke razvojne agencije ZEDA d.o.o. Zenica,
- Lista osiguranih lica za obveznika Zenička razvojna agencija ZEDA d.o.o., broj: 13-4/1-12-5-5843/23 MAV od 31.10.2023. godine, izdata od strane Porezne uprave Federacije Bosne i Hercegovine, Kantonalni porezni ured Zenica, Porezna ispostava Zenica,

- Uvjerenje Kantonalnog poreznog ureda Zenica – Porezna ispostava Zenica, broj: 13-4/1-12-5-5843/23 M-AV. od 31.10.2023. godine, kojim se utvrđuje da Zenička razvojna agencija ZEDA d.o.o. Zenica nema duga po osnovu javnih prihoda,
- Dokaz o osiguranju od štete koju bi pravno lice moglo prouzročiti pri obavljanju radnji za koje se daje ovlaštenje – Polica osiguranja „ASA Central osiguranje“ d.d. Sarajevo, broj: P08 0100039585 od 01.06.2023. godine i broj: P08 0100039586 od 01.06.2023. godine,
- Dokaz o izmirenim troškovima postupka za izdavanje ovlaštenja za provođenje radnji ocjenjivanja usklađenosti građevinskih proizvoda u iznosu od 3.000 KM.

Odredbama člana 17. Pravilnika o uslovima za lica koja provode radnje ocjenjivanja usklađenosti građevinskih proizvoda propisano je da predmetno ovlaštenje daje i produžuje federalni ministar prostornog uređenja po prethodno pribavljenom mišljenju Stručnog odbora za građevinske proizvode.

Predmetni zahtjev je razmatran na sjednici Stručnog odbora za provođenje radnji ocjenjivanja usklađenosti građevinskih proizvoda, održanoj dana 19.12.2023. godine.

Uvidom u dostavljenu dokumentaciju i važeće propise, Stručni odbor je mišljenja da se podnosiocu zahtjeva Zenička razvojna agencija ZEDA d.o.o. Zenica, sa sjedištem na adresi Poslovna zona Zenica 1, Zmaja od Bosne bb, 72000 Zenica, Bosna i Hercegovina, može izdati ovlaštenje za poslove ocjenjivanja usklađenosti navedenih svojstava građevinskih proizvoda za proizvode navedene u Certifikatu o akreditaciji br. LI-74-01.

Ovo Federalno ministarstvo je razmotrilo mišljenje Stručnog odbora za provođenje radnji ocjenjivanja usklađenosti građevinskih proizvoda, kao i dostavljenu dokumentaciju, te je, u skladu sa odredbama čl. 16. do 22. Pravilnika o uslovima za lica koja provode radnje ocjenjivanja usklađenosti građevinskih proizvoda ("Službene novine Federacije BiH", br. 49/10, 64/11, 94/17, 97/17 i 8/22), odlučeno kao u dispozitivu ovog rješenja.

Pouka o pravnom lijeku: Ovo rješenje je konačno i protiv njega nije dopuštena žalba, ali se protiv istog može pokrenuti upravni spor tužbom kod nadležnog Kantonalnog suda u Sarajevu, u roku od 30 dana od dana prijema istog. Tužba se podnosi u dva istovjetna primjerka i uz istu se prilaže ovo rješenje u originalu ili ovjerenoj kopiji.



Dostaviti:

1. podnosiocu zahtjeva,
2. Federalnoj upravi za inspeksijske poslove,
3. evidenciji,
4. a/a.